

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Consideratio status damnatorum, quod actiones ipsorum  
in primis malas, concernit**

**Fecht, Johann**

**Durlaci, 1680**

XIX.

[urn:nbn:de:bsz:31-122744](#)

Iibus tamen Quæstionibus, Quodl. III. artic. XXIV. odium & blasphemiam Dei damnatis tribuit. Nam ad quæstionem, utrum damnati gaudeant de pœnis inimicorum suorum, inter alia respondet, *Dicendum, quod pœna inimici considerata ab eo, qui est in inferno, habet quodammodo rationem delectabilis, & quodammodo rationem tristabilis. Rationem quidem delectabilis habet, in quantum impletur voluntas damnati de malo inimici sui. Sed ex aliâ parte habet rationem tristabilis propter duo. Primum quidem, in quantum in pœna inimici impletur divina iustitia, quam odium & blasphemant damnati in inferno, secundum illud Apocalyp. 16. Æstuaverunt homines æstu magno & blasphemaverunt nomen Domini. Secundò propter vermem conscientia.*

XVIII. Subjungemus Thomæ unicum five secatorem sive interpretarem. Is est Petrus de Palude, ordinis Prædicatorum, Patriarcha quondam Hierosolymitanus, quem Fr. Paulus Soncinus, qui eum primum edidit Venetiis, A.D. M CCCC LXXXV. hoc encomio prosequitur: *Fuit Petrus vir sacris nostris initiatus, bonarum quoque artium consummatisinus quidam Praeceptor ac illustrator, usque adeo, ut nulli hominum etatis sue aut magnitudine animi, aut scientiarum copiâ, aut humanarum rerum usu atque consilio, aut ullo virtutis genere inferior unquam habitus sit. Quinimodo solum Thomam huic Petro præfert: Nolim autem eum, ait, prætulisse Thomam, quum Thomas numen quoddam in terris fuit, cui latini omnes ac graci & barbari auctores cedant: sed ingenuè illud fateor, nullius cujuspiam alterius editionem his Petri commentariis, aut multitudine questionum, aut sententiarum copiâ, aut proprietate sermonis æquare vel comparari posse. Hic tantus vir, cum multitudine quæstionum abundare dicatur Soncinati, in ultimâ tamen distinctione magis, quam cœteri omnes, deficit, & quæstionem de damnatorum obstinatione vix paucis ex Thomâ verbis decidit: Tertia, inquit, quæstio est de obstinatione, quod mittentur in tenebras, non solum exteriores, sed interiores. Obscuratum est insipiens cor eorum. Non possunt enim bonum bene velle, sed omnis voluntas eorum deliberativa est mala.*

XIX. Thomæ Aquinati integro post mortem ejus seculo perpetuus surrexit adversarius, Johannes Duns, Scotus, dictus quidem à suis solenni encomio Doctor subtilissimus, qui tamen subtilitate suâ adeo obscurè haud raro philosophatur, ut nec discipuli ejus, quid magister vel ipsi velint, explicare se satis queant. Hic ille

Ille est, quem ad nomen alludens intelligit Bartolomaeus de Spina, cum in laudatione Thomae inter alia: *Non mirum, inquit, si splendori huic tenebre se opponant ac eundem impugnare contendant. Humana quippe conditio infelicitati non modicum est obnoxia ex primâ corruptione peccati.* Quo sanè factum est, ut semper veritas & itidem bonitas paucos habuerint possessores. Isthanc caliginem & ultimam Magistri Distinctioni, de statu damnatorum, affundit, eandemque in quæstiones à Lombardi proposito alienissimas, quas ipse perpetuis dubitationibus implicat, resolvit. Quid de peccatis damnatorum senserit, difficile est, penetrare mentem ejus, sicut ex iis, quæ nunc allegabimus, constabit. In Decif. sec. art. dist. L. profitetur: *post odiuum Dei, quod est primum & maximum peccatum, velle se non esse, esse secundum peccatum.* In Resolut. Qu. II. Dico, quod damnati sunt obstinati & perversi ad utrumque actum. Et licet displiceat eis culpa, in quantum vermis, (conscientiae) non tamen, in quantum culpa; præcipue demonum, qui semper Deo invident. Psalmista: *superbia eorum, qui te odierunt, semper ascendiit.* Ibidem: *Respondeo igitur, quod propter culpam fugiendam non credo, quod damnati appetant non esse, licet debeant appetere.* Nec credo, quod sint adeò mali, quin habeant aliquem bonum actum, licet non acceptum Deo. Dubitat subtilitatis Doctor, qui paulò post, ad quæstionem: an pœna ignis inæqualis sit vel in se, vel quia fortius & inæqualiter affligeret, immutando sensum & appetitum? feralem ignorantiam profitetur: *nescio, ajens, expectetis, quo usque expiamini.* Ad quem locum manus Monachi cuiusdam, in exemplari Bibliothecæ illustris Gymnasii nostri, Praeceptorii illudens, adscripsit in margine: *Tunc est neglectum, Scote.*

XX. Petrus de Aquilâ, ordinis Minorum, sectator nobilissimorum subtilitatum Scotti, à Praeceptore non discedit: Dico, inquit, quod damnati sunt obstinati & perversi, quantum ad malum culpa & quantum ad malum pœna, & idè, quantumcumque displiceat eis malum culpa, in quantum vermis eorum non moritur, non tamen, in quantum culpa, præcipue demonum, qui Deo semper invident. Hæc ille, dist. L. sub fin.

XXI. Adjiciemus ex Scholâ unicum adhuc, Thomam de Argentinâ, acutissimum, (hic ei præfigitur in fronte Libri titulus) matteriarum Theologicalium Resolutorem. Is omnium fusissimè Distinctionem Quinquagesimam Quarti sententiarum Libri exponit,